

IN FVNERE ILLVSTRISSIMI
ATQVE EXCELLENTISSIMI

MICHAELIS PERETTI
VENAFRI PRINCIPIS,

Numenti Marchionis, Celani, & Somaliz Comitis

346-f-13-

O R A T I O


Habita à nobili Adolescente Io: Hieronymo Millero
Hermano Vratislauiensi

*In Templo Archiconfraternitatis Sacrorum Stigmatum S. Francis
Octavo Idus Martias anno M. DC. XXXI.*



ROMÆ, Apud Paulum Masottum. 1631.

SVPERIORVM PERMISSV.





ILL^{NO} ATQVE EXC^{MO}
ABBATI. AC PRINCIPI
DOMINO
FRANCISCO
PERETTO.

Sodales Archiconfraternitatis sa-
crorum Stigmatum Sancti
Francisci Salutem.



ODALITAS nostra, quæ (cum
sacra sit beatissimis Francisci stā-
mei Patris vulneribus) iure dici
potest vulnerata, recens hoc tem-
pore vulnus accepit, & quidē per-
acerbum, Illustrissime Princeps,
dum Michaëlem Peretrum paren-
tem tuum, suum cor importuno mortis telo confos-
sum vidit. Accessit illicò ad fontem, & quidem vber-
rimum lacrymarum; nec tamen aut æstum leuauit,
aut medicinam vulneri fecit; confugit itaque ad
temporis diuturnitatem cicatrices obducere solitam,

A 2 cliq.

eiq. dolorem suum in laudatrices huiusce orationis
 notas, & characteres extillatum curandum dedit. Do-
 lore igitur Tempori oblato, **TIBI** laudes optimi
 Principis, quas eadem adumbrat oratio, merito con-
 secrat, ut & earum iucunda memoria tuam lenias
 ægritudinem, & æmulatione magnanima viuam,
 spirantemq. reddere pergas extincti Patris imaginē.
 Illas igitur quasi paternæ virtutis monumenta, &
 nostræ erga Patronum amantissimum obseruantiz
 argumenta eo legas vultu, quo vel infima quæque
 grata Tibi esse significas, & nostrum cœtum to-
 ueas, faueasq. in terris Franciscæ, quem de Cœlo
 suis tuetur vulneribus Franciscus. Vale.



ORA:



AGERET minus acerbè mors humanæ tranquillitatis inimicissima; si post lamentabiles casus, & luctuosa funera relinqueret subinde nobis spatium temporis aliquod à luctu vacuum, & à dolore seiunctum. Sed, ò grauissimam lethalis Imperij conditionem, quæ nos ad lacrymas non tam frequenter renouandas, quàm vbertim cōtinuandas assidua, & insigni optimorum Principum iactura compellit. Aspeximus aliquot ante annos maximo populi mœrore, publico pauperū fletu, ciuium vberima comploratione, totius Vrbs Romæ squallore, Alexandrum, & Andream, gemellum è Perëtta familia sydus, par lumen purpuratæ maiestatis extinctum; nunc veteri nondum obducta cicatrice manantibus adhuc iustissimis lacrymis, ad ægritudinis cumulum, ne in luctuosa nocte quidquam iucundi splendoris interniteret, Michaëlem alterum eiusdem generis decus, ac lumen, importunè sublatum flebili recentis ne dicam, an potius recrudescentis doloris officio lamentamur. Sic honestissima propago, quæ in omnem aleam felix tergemino monte ad cælum vsque consurgere videbatur, toties ruinam dedit peracerbam nō Iouis, sed mortis fatale fulmen experta. Ex ingentis prolapsione culminis moles ista quam amarissimo cum sensu doloris intuemur fabricata est magis ab extincti Principis virtutibus, quàm ab accensis vndiquè facibus speciosa. Ad huius lucem fulgentis Cenotaphij vt immortalis recordatione virtutis amissa consolari gaudia possimus, ereptum nobis florentissimum Principem in conspectum renocare conabitur oratio mea ijs ipsis virtutibus animatum, quarum ipse anima fuit dum viueret, hoc est eximiè magnanimum, splendide liberalem, præclaro studio pietatis illustrem.

Prima quidè in oculis incurrit æquitas illa mentis humano celsior fastigio, quam semper moderatissimus Princeps siue ridentem experiretur, siue toruo reluctantem vultu fortunam præ se tulit: tunc verò potissimum in illo legitima, & germana virtus deprehensa fuit, cum vix natus ad clarissimam honorum lucem expositus, eā inconniuentibus oculis, non fulgore perstrictus, non pulchritudine captus felicitatis aspexit. Vidit magnum auunculum præeunte meritum fama, remigante gloria, aspirante fortuna, nobilū plausu, sapientum iudicio, expectatione principum, omnium admurmuratione populorū, Romanæ Sedis ad portum felicissimè prouectū. Vidit inquam Sixtū Quintum è Romani principatus fastigio è Vaticano folio, tanquam è sanctiori cortina dantem oracula pro re-

A 3 sponis,

ponſis, & vicaria Diuinitatis authoritate cæleſtia terris iura diſpenſantem. Vidit fratrem Latina redimitum purpura in Romano Cælo, quaſi Auroram eo illuſtrius præfulgentem, quo Soli erat conjunctione propinquior. Vidit Andream conſanguineum tota geſtiente Vrbe in ampliſſimum purpuratorum Regum Senatum adlectum; Vidit vno verbo, ac tenuit eius felicitatis apicem quem alij ne quidem cogitatione contingunt. nec illum tantæ affinitates, non luculentæ domus commoda, non ſpecioſi munerum tituli, non aſſentantium honorum illecebræ, non ſuz proſperitatis contemplanſio, non apparatiſſimum fortunæ choragium vel è recto ſtatu mentis deiecerunt, vel auguſto ſplendore faſcinarunt. eadem ſemper fuit animi moderatio, idem ſemper vultus, idem ſemper vitæ tenor; cum tamen ardua res ſit, & naturæ leges quodammodo ſupergreſſa, onuſtos ingenti fruſtuum pondere ramos non incurveſcere, & natiuæ felicitati ſuz nequaquam ſuccumbere. Aſpexiſtis in ampliſſima fortuna modeſtiſſimum Principem, ſuſpicite nunc eundem in humanarum rerum inconfantia conſtantiſſimum. Spectauit non ita poſt maiestatem illam diuinæ proximam, ad cuius pedes gentes venerabundæ deſiliebant, Atlantem illum cuius humeris impoſitus imminebat terrarum orbis mortis iniuria delapſum in terram, & conſternatum. Spectauit geminum familiæ ſuz Solem oſtro Vaticano purpureum immaturo tempore atra mortis nube velatum: nec in tanta fortis mutatione mutauit vnquam animum, ſed illum temper præbuit inconcuſſum, nullis labefactatum ærumnis, nullo depreſſum inimicæ fortunæ impetu, nullis mortis terroribus exanimatum. Nihil dicam de magnanima in Catholico Regem obſeruantia cuius ipſe, & authoritatem ſequi, & nomen colere, & fouere ſtudia nunquam deſtitit florentibus equitum centurijs non ſemel ingenti ſumptu conſcriptis ad regium exercitum opportuno tempore roborandum. Venio nunc ad beneficentiam, concordiæ vinculum à latino Demotheſen, humanæ vitæ cōſeruatricem à Theophrasto diſtam, appellatam à Pythagora virtutem diuinam, illam inquam beneuolentiæ teſſeram, amoris pretium, rapaciſſimam cordium illecebram, dotem qua non tam ipſe, quam ab ipſo alij præclare dotati fuerunt. Teſtes appello Virgines quamplurimas quas ille dotali beneficentia ſua, vel humanas, vel diuinas ad nuptias ſplendide adornauit: mœſtiſſimas oberatorum cateruas, quæ in miſerabili æris alieni freto fluctuantes ad eius aulam, tanquam ad portum liberalitatis perſeſerunt: viduarum numerum per amplum, quas cum pudoris ac verecundiæ leges à petenda ſtipe retardarent, auro illexit ac decorauit: vos denique omnes teſtor, quos aureis beneficiorum catenis ſibi mancipauit

7

uit munificus Princeps, quos dum muneribus ornaret, suos the-
 sauros existimabat cum Cyro, cum Alexandro suarum scrinia,
 diuitiarum. Nullus vnquam externus Princeps vel pietatis, vel
 visendæ Urbis gratia Romam aduenit, quin ab ipso magnificè, aut
 exceptus, aut condecoratus admiraretur prolixitatem hanc, &
 beneficentiam effusè prædicarè; vt propterea vel in ipsis deficien-
 tis mundi extremis oris à nostris regionibus longè disfunctis eius
 nomen clarissimum celebraretur. Quia tamen hæc magnificentia
 pulchrior enitescit si cū pietate confocietur; hinc ipse peritorum
 artificū de more qui aurum gemmis subnectunt, quò vehit apertissi-
 mo loculamento melius ingeniosæ oculorū cupiditati satisfaciāt,
 virtutem hanc præclarissimam religioni, ac pietati subtexuit, &
 admirabili societate coniunxit. Hanc satis superque contestantur
 & iure lamentatur nobili seueræ vitæ instituto præstabiles Capue-
 cini patres, quibus ipse domicilium in Numentano oppido excita-
 uit à fundamentis. Hanc lamentatur ex arctiori D. Francisci di-
 sciplina cœtus religione conspicuus cui sacrum condidit instru-
 xitque cœnobium. Hanc deflet rusticanorum hominum multitu-
 do in eius agris ac latifundijs degens, ad quam præter certos ac
 perpetuos animarum pastores, singulis annis hebdomada sanctio-
 ri Sacerdotes complures allegabat, vt in animos mollicos iam la-
 crymis & expiatis frumentorum electorum, & vitæ germen inse-
 rerent. Hanc demum deplorant ij omnes, qui rei familiaris an-
 gustijs, ac tenuitate depressi ab ipso locupletati fuerunt, qui ad
 eius aulam tamquam ad commune Urbis ærarium, & profugæ pau-
 pertatis Asylum aduolabant. Nimirum Sixti V. Pontificis maxi-
 mi liberalitatem sibi proposuerat ad imitandum, cuius videbat
 vestigia non pressa leuiter ad brevis famam ætatis, sed fixa ad gra-
 tæ posteritatis memoriam sempiternam; cuius quot monumenta
 in Vrbe conspicua oculis relegebat, tot se exaudire putabat taci-
 tè facunda hæreditariæ pietatis, & liberalitatis hortamenta. Hanc
 ipse tum beatissimi Auunculi, tum fratris laudatissimi largitatem
 in subleuanda inopum calamitate, in infeliciū erigenda pauper-
 tate, in aliorum quauis ærumna laborantium sterili atque exili for-
 tuna fecundanda æmulabatur. Hoc pia libertatis in homines pro-
 fusæ studio nobilior fuit ardor quo ad Deum, & eius integerrimam
 parentem insignibus donarijs excolendam rapiebatur. Huius in-
 castissimam Cœli Reginam amoris, & cultus insigne reliquit in
 Lauretana domo monumentum; cum enim ædem illam, quæ & di-
 uinæ in homines clementiæ, & humanæ in Deū, atque eius matrem
 liberalitatis pulcherrimum, & sanctissimum theatrum est; cum hæc
 inquam ædem adijset eam opulentissimis sanè muneribus, & inter
 eius loci donaria eximie conspicuis insigniuit. Quod equidem

18
17
Hæc Inscriptio visebatur in aditu inter ianuas .

34-6-F-13
D. O. M.

**ET MEMORIÆ MICHAELIS PERETTI
VENAFRI PRINCIPIS**

**AEQVO HOC EST VERE ROMANO ANIMO
IN DEVM LIBERALITER PIO IN PAVPERES
HONESTISSIME PRODIGO
CVIVS IN AMPLISSIMO CORDE CVRIAM
ET REGIAM POSVERE PVLCHERRIMA
SODALITATE VIRTVTES OMNES
SODALITAS SACRORVM STIGMATVM
IMMORTALIBVS AVCTA BENEFICIIS
A PERETTA FAMILIA
OBSERVANTIAE NON INTERITVRAE
AVTHORAMENTVM.**

Hæc legebatur in summa pegmatis parte ianuæ
sacræ ædis aduersa.

**CVI IVSTIS LACRYMIS IVSTA SOLVANTVR
QVICVMQVE SIES QVI PETIS
ET DISSECTI PECTORIS LAMENTABILEM
CAVSAM PERQVIRIS
INVIDAE MORTIS ICTVM CONTEMPLARE
QVAM VNIVERSOS IN VNO PERETTO
PERDIDISSE PERSPICIES
SCILICET HABEBAT ROMA COR ORBIS
PRO CORDE PRINCIPEM**



Hæc

Hæc inscripta pegmatis basi aram maximam
respiciebat.

I FELIX ILLVSTRIS ANIMA
QVO TE VOCAT INCLYTA VIRTVS
QVO TE GENTILE SYDVS INVITAT
PATEBVNT ARCES SYDEREAE
AVRVM LIBERALITER PROFVSV IN PAUPERES
ET IPSOS COELI VIGILES EXPVGNAT.

Hæc Iconographia Cenotaphij legebatur in
porticu sacræ ædis posita ab
Ignatio Leuera.

BENE VALEAS QVISQVIS MIHI BENE PRECARIS
HIC PARENTATUR MICHAELI PERETTO
PRINCIPI VENAFRI
NEC MORTEM IMMATVRAM ACCVSO
NON POTEST ACCIDERE MORS IMMATVRA
INNOCENTIAE
NVLLVS HIC ME TANGIT DOLOR
NISI MEAE DVLCISSIMAE ARCHICONFRATERNITATIS
DOLOR
QVAE MIHI HVNC TVMVLVM LACRYMANS
POSUIT
VT CASVM SVVM HAC PIETATE ALLEVARET.
VIXIT ANNOS LIII. MENSES V. DIES VIII.
ELATVS PVBLICO FVNERE.



33 18

EPIGRAMMATA
Eiusdem Ioannis Hieronymi
Milleri Hermani,

Quæ legebantur in parietibus vestibuli
sacræ ædis.

SEPVLCHRVM EXCELLENTISS.
Principis in Exquilino Templo.



*Principis exuuias anima committere terra
Quis furor? ab magnam ladere parce decus.
Humanum da munus humo: diuina supelleæ
Non nisi caelesti contumulanda domo.
Fallor, an Exquilis referunt in imagine cælum?
Principis exuuias aspice. Sydus erat.*

Aliud.



*Onderis exiguo tectus Leo magne sepulchro,
Et mole in parua contumulate saces.
Cuius non fuerat magno par mundus honori
Ossibus extinctis perbreuis urna fuit.
Ergo time, quisquis regnas; rapis atra Leones
Adors quoque regali sanguine tincta manus.*

Sol alter munificentissimus in
terris extitit.



*Ar munus cum Sole tibi, mens prodiga, Princeps;
Par quoque virtutis cursus utriusque fuit.
Hieracii terras, fama in lumine lustras;
Hic campos ditat, pauperis ipse domos.
Cur modo iam nostris Sol aureus occidis oris?
Auguror ut surgas clarior inde polo.*

DE

DE EIVSDEM PRINCIPIS liberalitate .



*Van bene munificus dispensat munera Princeps,
Et miseris largas saepe ministrat opes.
Quin pene extinctos renocat sub luminis oras,
Quamquam fames mortem praeprarat, ille fugat.
Invida mors cernens animari clade peremptos,
Artificem vita suscipit illa nece .*

In eandem liberalitate m .



*Van terra ingrata mortalia lumina condis,
Aurea sublimis surgis ad astra Leo .
Digna refert virtus hic pramia prodigus auri
Dona dabis terris, munera lucis habes .*

In funere eiusdem .



*Nter mortales Michaelem viuere morti.
Dum fertur, violet ne sua iura times .
Esse hominem credit dum cernis corporis artus,
Non hominem credit dum pia facta videt .
An sit homo vs tentet sibi vires aduocat omnes
Purpurea & vita flamina saepe secas .
Sed mors deciperis . terrena parte relicta
Viuis adhuc alia nobiliore sui .*



13 12 13
Nella morte del medesimo
Signor Principe.

Sonetto del Signor Pier Francesco Paoli.



*Seiso al Cielo il tuo germano altero
MICHELE, a cui seruia l'invidia doma.
Rastassi quò, perebe il destin' scuro
Tutti non inuolasse i pregi à Roma.*

*Hor' che d'eternæ glorie al mondo intero
Da te mostra fregiata il sen, la chioma,
Licue ten' poggi, ou'ei poggìo primiero,
Deposta in urna d'or' la mortal foma.*

*Cbi può dir' quale amore arda la mente,
D'ambo, s'uni più cresce, ò più riluce,
Per fraterna union' fiamma cocente,*

*Taccian' le sole bonai; con verra luce,
Hà Germani per voi (mà sempre ardente)
Il suo Castore il cielo, e il suo Polluce.*

IL FINE.

